

# SARS YI SIMEKA SENTHARA YA BINDZU LERIKULU; LEYI TUMBULUXIWEKE HI VUNTSWHA

**Johannesburg ti 23 Nhlangua 2019** – Khomixinara wa SARS Edward Kieswetter u simekile Senthara ya Bindzu Lerikulu endhawini ya yona leyintshwa eWoodmead. Loko a vulavula na swirhonkulu swa tikhamphani ta le henhla, Tatana Kieswetter u kombisile nkoka wa nghaniso lowu ku pfuxetiwa ka hi vuntshwa senthara leswi nga ta tisa nandzeleriso hi ntsakelo exikarhi ka tikhamphani ta Afrika-Dzonga

Xivono xa SARS xa 2024 lexi tivisiweke hi Tatana Kieswetter i ku aka SARS yo tlhariha ya ximodeni leyi kalaka ndzhuti lowu sorisaka, leswi tshembhiweke no naveriwa hi vakhumbheki hinkwavo ku katsa na titangha ta yona ta misava hinkwayo

Sweswi xibalo xa malinghena xa khamphani i muhoxi wa xandla wa vunharhu, laha xi tiseke 16.6% wa ntsengo wa mali ya tiko eka lembeximali ra 2018/2019.

Tatana Kieswetter u boxile leswaku swikongomelo swa kungu leswi nga ta fambisa Senthara ya Bindzu Lerikulu ku ta va xikongomiso eka nandzeleriso hi ntsakelo, nhlengeleto wa mali ya tiko lowu hetisekeke no tirha kahle, no ndlandlamuxa vukorhokeri na vuxaka bya SARS na bindzu lerikulu. Ku engetelela, Senthara ya Bindzu Lerikulu yi ta va senthara yo hlawuleka leyi hlamulaka hi ku hetiseka eka mitlhonthlo na swilaveko leswi kombisiweke hi xiphemu lexi xo tika xa muhakelaxibalo naswona lexi longoloxiweke na matirhelo yo antswa ya xibalo xa misava hinkwayo.

Nkoka wa nghaniso lowu nyikiwaka hi senthara ya bindzu lerikulu i ku tlakusa nandzeleriso hi ntsakelo eka hakelo ya le hansi swinene eka muhakelaxibalo na SARS, na endlelo ra matlhelo manharhu leri nga na –

- Vufambisi bya vuxaka lebyi nyiketeriweke hi vumaki na sekithara, ku tiyisisa leswaku swipano swa xibalo leswi nyikiweke eka tlilayente swi na vutivi byo hlawuleka na ntwisiso wa bindzu ra tlilayente.
- Xipano lexi nga na vuswikoti swinene na xiphurofexinali lexi nga na vutivi eka mixakanyingi ya xibalo eka vahakelaxibalo na tiphotifoliyo to tika ta xibalo, ku katsa na lexi tirhaka eka vulawurinyiki bya xibalo. Ku fikela sweswi, SARS yi kongomisa eka ku fambisa nhlamuselo ya swiboho swa muhakelaxibalo no antswisa hetiseko eka mihlelelo, tioditi na tiphurosese ta xintshuxo xa nkwetlembetano.
- Vufambisi bya le xikarhi bya swilaveko swa nandzeleriso wa xibalo wa muhakelaxibalo eka mixaka ya xibalo leyi SARS yi yi hlamuselaka tanihi *'One-Stop shop'* ya vukorhokeri byo hetiseka. Vukorhokeri lebyi byi nyika muhakelaxibalo mbhurisano wo olova na SARS eka xilaveko xin'wana na xin'wana xa xibalo kumbe xivutiso lexi muhakelaxibalo a nga va ka na xona, hi ku tirhisa xipano xa vufambisi bya vuxaka lexi fambisaka photifoliyo hinkwayo ya xibalo.

Xiphemu xa muhakelaxibalo lexi Senthara yi kongomisaka eka xona xi le ka mabindzu lamakulu lawa ya hlamuseriweke tanihi mitlawa kumbe tienthithi leti nga na mali hinkwayo leyi endliwaka hi bindzu yo

hundza R1 billion; ya longoloxiwile *eJohannesburg Stock Exchange*; vukorhokeri bya swa timali lebyi nga na mali hinkwayo leyi endliwaka hi bindzu ya R500 million, tienthithi na mitlawwa ya tikhamphani hinkwato leti nga na nkoka wa ntsengo wa tinhundzu lowu hundzaka R100 million, ku katsa na tikhamphani ta misava hinkwayo. Xiphemu xin'wana xa titlilayente i xa *Ultra High Net-Worth Individuals* lava ntsengo wa tinhundzu ta vona wu hundzaka R75 million. Vahakelaxibalo lava fikelelaka rin'we ra maendlelo lawa va tsarisiwa na Senthara ya Bindzu Lerikulu ra SARS.

Senthara ya Bindzu Lerikulu yi kumeka Woodmead North Office Park, 54 Maxwell Drive, Johannesburg.